



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1561. usque ad annum 1562

Fleury, Claude

August. Vind. [u.a.], 1771

VD18 90118596

§. 84. Articulus ultimus de Quæstoribus.

[urn:nbn:de:hbz:466:1-66624](#)

tatur quoad regimen ejusmodi Eccle- Sæcul. XVI.
 siarum, quæ a summo Pontifice aliis A. C. 1561.
 commissæ, vel commendatæ fuere, qua-
 propter rursus ad illud medium jam
 nuper adhibitum recurrebatur, provi-
 sumque, ut visitandi, hasque Ecclesias
 inspiciendi potestas Episcopis duntaxat
 tanquam Sedis Apostolicæ Delegatis
 tribueretur.

§. LXXXIV.

Articulus ultimus de Quæstoribus.

Cum decimi, atque undecimi articuli *Sarpium l.c.*
 examen ad tempus, quo de Matri- p. 483.
 monio agendum esset, remitteretur,
 hinc Patres ad duodecimum, ac post-
 remum articulum de Quætoribus trans-
 ibant: nam cum necessitas peteret Xeno-
 dochia, Nosocomia, Orphanotrophia,
 & alia id genus opera pia instituere,
 neque alias ei rei fundus suppeteret,
 quam ex fidelium eleemosynis: hinc
 consultum videbatur, ut viri quidam
 boni, ac pii provinciam sibi sumerent,
 eleemosynas eas ostiatim quærerandi:
 ut vero facilior aditus pateret, fidesque
 dictis major esset, Episcopi literis testi-
 monialibus hos quæstores communie-
 bant: alii autem, qui ab Episcopo ejus-
 modi licentiam non obtinuerunt, hanc
 a Pontifice facultatem una cum literis
 commendatitiis impetrabant, sibi ali-

L 1 2

quam

Sæcul. XVI
A.C. 1562.

quam emolumenti partem adjudicantes, aliam vero personis vilibus, atque infamibus, quas sibi subrogabant, cedentes: denique illiberale hoc hominum genus, ut quæstum facerent uberiorē, mille artibus, ac fraudibus sacrilegis, atque impiis populo illudebant, indulgentias falsas, ac facta miracula prædicantes, & iis, qui stipem dare recusabant, cum imprecationibus mala omnia, infortuniaque minitantes; porro his, aliisque impietatibus, omnibus fidelibus odio simul, & offensioni erant: hinc materiam hanc Præfules discutiebant, atque de illis corruptelis plurimum disurrentes innumera impie facta commemorabant, ac simul remedia olim frustra tentata, & tunc nihil magis profutura explicabant, unicumque tantummodo reperiebatur remedium, quod unanimi prope consensu probatum, ejusmodi quæstorum nomen, & usum abolere poterat. Hæc sententia omnibus ferme Patribus arridebat.

§. LXXXV.

Franciæ Orator datis ad primum Legatum literis Sessionem prorogari petens.

Pallav. l. 16.
e. 5. n. 9.

Hæc cum interea gererentur, Mantuanus Cardinalis primus Papæ Legatus